

近代中國史料叢刊第二十四輯
沈雲龍主編

故 舊 文 存

王樹枏輯

文海出版社印行

丁卯十月

古

蓄

文

押

奉節張朝城



歲杜強圉
單闕長凶

陶唐贊刻三十三

序

余少時從黃貴筑師受古文之學每出所作輒見推獎而同人又往往過爲逾量之美而余亦竊竊自喜以爲庶乎其於古之作者稍有合也及桐城吳摯甫先生守冀州聘余主講信都書院朝夕過從聆其緒論始疑而不敢自信久之益慙然自慚其不類乃盡棄向所爲者而更以近作質之摯甫摯甫則曰余固疑向者非君之文今觀於此而益知君之文固在此不在彼也余嘗見今之老師宿儒閉門著述其用力不可謂不勤且至矣而役役終身卒莫有登堂入室之一日則以無明師益

友爲之啟其門而導之路也夫人之聰明才力其賦於天者大半相同而相差之數卒至不可以道里計則以知與不知故耳故文章之事爲之難知之尤難既知之矣而文之至與不至則又視乎爲之專與不專疴僕丈人之承蜩也雖天地之大萬物之多而唯蜩翼之知其用志不分若此惟文亦然以孔子弟子之眾而獨稱顏淵好學爲得聖人之具體其餘則僅日月至焉故曰知之者不如好之者好之者不如樂之者昔曾文正公見廉卿之文令其棄擲一切而專心致力於此摯甫亦會公高弟也中年棄官講學以爲宇宙古今之至美無可

以易吾文者故二人者好之樂之獨能得文之具體以
視其餘皆所謂日月至焉者也然由其已至而益求至
乎其極則豈第具體已哉吾自辛亥罷官以後蟄居京師
踽踽無聊重理舊業每當晦明風雨憶往思今歷數平
生朋輩二三同志之士平居講習之言輒爲之往復於
懷慕思不置端居多暇爰取昔年所錄存朋好文字得
十九家都爲文九十七首約收窄取以文存人朝夕寤
言如相告語歐陽氏所謂無憶不至於襟懷無想不至
於姿容者也至於文之工拙詣之淺深識者自能辨之
而余則但願與二三同志之士孜孜焉益求其至而勿

以日月限焉則區區之意也丁卯十一月新城王樹枬
議於京師寓齋陶廬時年七十有七

故舊文存小傳

張裕釗字廉卿湖北武昌人道光二十一年丙子舉人
 湘鄉曾文正公視師湖北廉卿以文贄見留之幕府授
 以古文義法自是所學益進同治光緒間海內言古文
 者並稱張吳謂裕釗及桐城吳摯甫汝綸也黃貫筑師
 主講保定蓮池書院去後子與摯甫薦之直督張靖達
 公繼主講席廉卿去後摯甫繼之河北文派自兩先生
 開之也卒年七十餘有濂亭文集

吳汝綸字摯甫安徽桐城人同治四年乙丑進士內閣
 中書歷任深冀二州直隸州摯甫生桐城文學之鄉師

事湘鄉曾公久毅然以斯文爲己任合肥李文忠公鴻
章總督直隸賓禮之不以屬吏相待願不樂仕進在冀
八年請罷官主講蓮池書院光緒二十八年吏部尙書
張文達公聘爲京師大學總教習辭不就自請赴日本
攷查學制朝廷賜五品銜明年正月歸國卒年六十有
四摯甫知冀州時延予主講州之信都書院摯甫始治
經予之專力古文亦自此始著有易說二卷尙書故四
卷深州風土記二十卷日記十二卷東遊叢錄四卷詩
文集各若干卷

黎庶昌字莼齋貴州遵義廩貢生同治初元應詔上書

論時事以知縣分發兩江總督湘鄉曾公留之安慶軍
中與桐城吳汝綸摯甫巴陵吳敏修南屏獨山莫友芝
子偲陽湖趙烈文惠甫無錫薛福成叔耘相友善同治
古文辭歷任出使英德日法四國參贊出使日本大臣
川東兵備道予過夔州爲菴齋留數日商榷古今文字
後遂契闊不相聞著有續古文辭類纂四卷拙尊園叢
稿六卷其古佚叢書之刻尤精絕一世

賀濤字松坡直隸武強人光緒十二年丙戌進士刑部
主事初吳摯甫牧深州倡桐城古文之學見濤所爲反
離騷大奇之遂盡授以所學其後張廉卿主講保定蓮

池書院松坡復從授業有駸駸欲駕騁之勢既病目
失明講學不少輟曰令學者誦說中外羣籍爲之講解
所爲文章得於失明後爲多予與松坡兄弟同年進士
光緒二十三年始相晤於京都朝夕論文不久亦卽別
去時雖患目疾尙能評乙子文也歿後天津徐公始刊
其文集四卷行世

劉孚京字鎬仲江西南豐人光緒十二年丙戌進士刑
部主事鎬仲所治書浸淫於周秦漢諸子所爲文亦本
之尤於荀子爲近不闌入唐以還體勢及宗派諸說晚
改官歷任廣東河源饒平各縣知縣子與鎬仲同年進

士榜後始一識面松坡嘗爲予道鑄仲相思之意卒有文集五卷

馬其昶字通伯桐城諸生宣統初以碩學通儒徵官學部主事父慎庵先生治古文守鄉先輩方姚之緒通伯濡染家學又問業於廉卿摯甫二先生之門其治學至勤年逾七十猶日課漢書一卷不稍輟甲寅後與予同廁清史館每有所作輒就予商榷訂正通伯持論至嚴子所言亦未嘗或有牴牾也通伯晚年於諸經皆有撰著兼通禪學有抱潤軒文集二十二卷行世

姚永樸字仲實安徽桐城人廣西按察使石甫先生孫

也光緒二十年甲午舉人仲實師事吳摯甫博志治經
文亦簡樸著有經記四卷羣書答問經學舉要各一卷
國文學二卷史學研究法一卷見聞偶筆一卷蛻私軒
集五卷

姚永樸字叔節安徽桐城人永樸之弟從吳摯甫授古
文義法光緒十四年戊子鄉試舉第一人以大挑二等
選授太平縣教諭又舉博學鴻儒皆不就光緒末罷科
舉興學校安徽大吏延充高等學堂教務長師範學堂
監督旋應北京大學文科學長之聘長成達學校最久
予與其昆仲朝夕過從又同修清史著有讀書筆記慎

宜軒詩文集其爲諸生編輯者孟子講義左傳選讀歷朝經世文鈔初學古文讀本諸書癸亥六月卒年五十八

李于錯字叔堅甘肅武威人光緒二十一年乙未進士山東沂州府知府辛亥後當軸亟要之杜門不出叔堅少受庭訓精研宋儒之學身體力行出處不苟學問博洽所爲文亦淵懿可喜予游宦新疆曾介其壻張某致書求其著述答書甚謙今年其鄉人段永新始攜其遺集求序而行之文僅十數篇皆其自行刪存者某年卒趙衡字湘帆直隸冀州人光緒十四年戊子舉人主講

深州文瑞書院光緒間余主講冀州書院摯甫拔一州
五屬縣高材生各一人入院肄業湘帆質最魯而好學
嗜文視爲性命後從摯甫松坡遊學益大進卒以文名
河朔聞丙寅歲卒著有敘異齋文章

趙祖銘字十如直隸樂亭人貢生直隸州州判鼎革後
以知事用不就嘗客兩江總督端方幕與鳳凰廳熊希
齡聘三最善戊午識予於京都令其子翼宸從受業著
有涉趣園詩文集

黃維翰字申甫江西崇仁人光緒二十一年乙未進士
兵部主事歷官黑龍江呼蘭龍江兩府知府庚申後予

與申甫同纂國史申甫喜爲詩古文辭每出所作就予商訂近年所詣益遠力追古作者予嘗謂江西多文學士申甫尤以史學著稱著有黑水先民傳二十四卷稼溪詩文集五卷

涂鳳書字子厚四川雲陽人光緒二十九年癸卯舉人內閣中書歷官黑龍江提學使己酉任國史編纂處處長子與子厚爲文字交蓋始此其文佳者予恆錄存之有厚齋詩文稿

成多祿字竹山一字澹堪吉林人光緒十一年乙酉拔貢黑龍江綏化府知府辛亥後不仕移家京師閉戶讀

書所與往還皆耆而好學者與予尤密數以詩文相質
正自視欲然若不足偶爲糾正一二字則大喜以爲愛
我至也有澹堪詩文稿

徐珂字仲可浙江杭縣人光緒十五年己丑舉人官內
閣中書四品銜候選同知丙寅仲可介言君重遠以文
就質於予嗣是書函往來商榷文字以南北遼隔至今
未獲一面也著有佛說阿彌陀經注釋會要彌陀疏鈔
擷補清稗類鈔五刑考略大受堂札記小自立齋文集
真如室詩集純飛館詞純飛館詞續又有歷代詞選集
評清詞選集評諸書

鍾廣生原名鏞字笙叔一字孫庵浙江杭縣人光緒十九年癸巳舉人侍讀銜內閣中書予宦新疆時纂修通志笙叔與其役乃折節從受業焉有西疆備乘湖濱補讀廬詩文稿若干卷

劉光第字裴村四川富順人光緒九年癸未進士刑部主事乞假養親教授鄉里無馳騫當世之意戊戌以湖南巡撫陳寶箴疏舉召見加四品卿銜參預新政死非其罪天下冤之光緒二十三年余至京師始相識出其壽張文襄公序文見示予知其能文自此始著有衷聖齋集

顧復初字幼耕號道穆吳郡人少遭離亂足跡幾遍天下入蜀後補榮縣貢井縣丞不就蜀中大吏交相幣聘待以賓禮予至四川見先生年八十品行高潔吐屬芳馨於書無所不通詩詞及駢散文皆工書法尤精絕能於燈下作蠅頭小楷人得其片牘奉爲至寶老年作畫善用枯筆膠墨然不輕爲人作故鮮知者乙未予奉江督張文襄公之招先生餞於望江樓爲填詞一闕畫一幅詞中言明年當永訣類先知者卒年八十有七先生嘗爲生壙自撰墓志刊之壁間其超曠如此著有樂餘靜廉齋詩文集若干卷梅影盦蜀桐絃海風簫絳河笙

梵天瑟詞各一卷

徐樹錚字又錚江蘇蕭縣諸生留學日本士官學校
國歷官陸軍次長國務院祕書長西北籌邊使後以
使考查英日各國政治復命出都行至廊坊遇害
雖習軍事而喜讀經史治古文辭嘗以所爲文相
遺文甚多倉卒不可得故所錄僅二篇

故舊文存小傳終

故舊文存目錄

卷一

張裕釗

書元后傳後

答吳至甫書

與黎純齋書

莫子偲墓志銘

外舅黃君墓表

誥贈奉政大夫山東長山縣知縣黎府君墓表

黃孺人墓志銘

古有之不自金
祭曾文正公文

吳汝綸

讀文選符命

二許集序

章冠整傳

左文襄公神道碑

李文忠公墓志銘

張蘄雲墓碣銘

弓斐安墓表

江安傅君墓表

銅官

祭李古

卷二

黎庶昌

書梓湖

游鹽

先大

趙剛

先兄

賀濤

文

論左傳

上吳先生書

答宗端甫書

宗氏婦傳

定州王文泉先生行狀

誥封資政大夫署鳳陽府知府裘公墓志銘

冀州開渠記

祭張廉卿先生文

劉孚京

諸子論 農家

雜議二

雜議八

蘧伯玉論

鼂錯論

求志軒記

卷三

馬其昶

爲人後辨

爲人後者其妻爲本生父母服辨

爲長子服辨

謙齋詩集序

書孫秀才事

龍泉老牧傳

唐桐卿先生傳

吳先生墓志銘

清故出使義國大臣許公墓志銘

王母李太夫人墓志銘

李于錯

全謝山傳

周爲漢傳

權錦堂傳

姚永樸

書鄭東甫遺稿後

送胡漱唐侍御思敬南歸序

汪梅村先生傳

胡君瓊笙墓表

姚永概

素園叢稿序

胡氏譜序

李結傳

彭節婦傳

劉少涂墓表

竹山城西小潭記

堵河記

趙衡

秦論

書新史周世宗家人傳

與劉際唐

王用儀墓表

卷四

趙祖銘

書駱慕韶明府

雙清別墅記

清直隸州判嚴君墓表

黃維翰

黑水先民傳自序上

黑水先民傳自序下

潛江貞石記序

游靜常詩序

靈谷雲海圖跋

清江蘇布政使臨川李公瑞清傳

涂鳳書

夔學報序

送宋鐵某督辦之哈爾濱序

贈奉節張伯翔先生序

伯兄子膚先生墓志銘

世父海泉府君墓志銘

成多祿

養蜂說

抱山先墓記

徐珂

高雲卿小傳

外舅朱硯臣先生家傳

鍾廣生

國朝回部舊官制表序

回部故國自置屬官表序

高采樞文集序

季山人傳

海城馬遜翁生壙銘

劉光第

先大母事略

先妣述略

顧復初

朱眉君詩集序

成山草堂圖說

湖北提督羅思舉傳

廣東陸路提督張公墓志銘

亡女璣權厝志

徐樹錚

上袁大元帥書